

Uunga siunnersuut: Aningaasarsianit akileraarutit pillugit Inatsisartut inatsisaata allangortinneqarneranik Inatsisartut inatsisaat nr. xx, xxxx 2007-imeersoq

(Aappariit ataatsimut akileraartussaataitanerannik atorunnaarsitsineq, aammalu selskabit piginneqatigiissut iluminni nuutsinerinut akeqartitsinermut, aamma selskabit imminnut pigisut aningasanik attartortarnerinut CFC-mik akileraarusiineq pillugit malittarisassanik atuutilersitsineq)

§ 1

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, Inatsisartut inatsisaanni nr. 2, 26. april 2007-imeersukkut allangortinneqartumi, makkua allangortinneqarput.

1. § 4 imatut oqaasertaqartinneqarpoq:

"§ 4. Aappariit isertitaminnit tamarmik immikkut akileraaruserneqassapput.

Imm. 2. Aappariinnut inooqatigiittunut tamarmik Kalaallit Nunaannut akileraartussaataitaasunut, aningaasarsianit akileraarutit pillugit inatsimmi malittarisassat malillugit isertitaannik akileraaruteqaataasussanik naatsorsuineqassaaq.

Imm. 3. Aappariit inooqatigiittut averuserneranni avinneranniluunniit inooqatigiinneq akileraartarnermut tunngatillugu averusernerup avinnerulluunniit pineraniit atorunnaartutut isigineqarpoq.

Imm. 4. Inooqatigiinnerup averusernertaqanngitsumik avinnerunngitsumilluunniit atorunnaarnerani, inooqatigiinneq akileraartarnermut tunngatillugu ukiup aningaasarsiorfiusup inooqatigiikkunnarfiusup naanerani atorunnaartutut isigineqarpoq.

Imm. 5. Aappariit averusernerup inooqatigiikkunnaarnerulluunniit kingunerisaanik inooqatigiikkunnaarsimanerup kingornatigut inooqatigeeqqilerpata, akileraartarnermut tunngatillugu piffissami inooqatigeeqqilerfiusumi inooqatigiinneq ingerlanneqaqqilersutut isigineqassaaq.

Imm. 6. Aappariit arlaata akileraartussaannermut pisussaaffia atorunnaarpat, akileraartarnermut tunngatillugu inooqatigiinneq akileraarnissamut pisussaaffeqarnerup atorunnaarneraniit taamaatinneqartutut isigineqassaaq."

2. § 4-p kingornatigut ilanngunneqassaaq:

"§ 4 a. Isertitat inuussutissarsiummik suliffeqarfimmut attuumassuteqartut, aappaasumi inuussutissarsiummik suliffeqarfimmik ingerlatsisuusumi akileraaruserneqassapput. Aappariit marluullutik ingerlatsinermi peqataappata, isertitat aappaasumi annertunerpaamik inuussutissarsiummik suliffeqarfimmik ingerlatsisuusumi ilanngunneqassapput.

Imm. 2. Aappariit marluullutik aapparisamit aappariinnilluunniit

inuussutissarsiummik suliffiutigineqartumi ingerlatsinermik peqataasut akornanni akissarsianik isumaqatigiissut, akileraartarnermi sunniuteqartinneqarsinnaavoq aatsaat, Inatsisartut inatsisaat manna aammalu sulisoqarnermut akitsuut pillugu Inatsisartut inatsisaanni pisussaaffiit eqqortinneqarpata. Akissarsianik isumaqatigiissut akileraartarnermut tunngatillugu sunniuteqartinneqalersinnaavoq taamaallaat isumaqatigiissutaasup isumaqatigiissutigineqarneraniit. Apparisaq annertunerpaamik inuussutissarsiummik suliffeqarfimmik ingerlatsisuunngitsup akissarsiai, apparisaq inuussutissarsiummik suliffeqarfimmi sulineranut naleqqutinngitsumik inissisimassanngillat. Apparisaq imm. 1 malillugu inuussutissarsiummik suliffeqarfimmut tunngasunik isertitanik ilanngussisussaq, aningaasarsianit akileraarutit pillugit inatsimmi malittarisassat malillugit sulisisisutut pisussaaffinnik pisussaaffeqartutut isigineqassaaq. Tamatumani pineqartumut appaasoq akissarsiortutut isigineqassaaq.

Imm. 3. Apparisiit tamarmik appaasumit apparisiinnilluunniit inuussutissarsiummik suliffeqarfimmik ingerlanneqartumi ingerlatsinermi peqataappata, apparisiillu suliffeqarfiup pisussaaffinut assigiimmik akisusaasuuppata, apparisiit ataatsimoortumik qinnuteqarneq malillugu inuussutissarsiummik suliffeqarfiup angusarisai akunnerminni avissinnaavaat, avitsineq inuussutissarsiummik suliffeqarfiup ingerlanneqarnerani tunngavissaqartinneqarnera naapertorlugu. Peqataaneq akisussaaffillu allannguuteqaratik ukioq aningaasarsiorfik naallugu atuutsissapput. Akileraarusigaasussanik isertitat naatsorsorneqarneranni inuussutissarsiummik suliffeqarfiup pigisai akiitsuilu apparisiit akornanni avinneqassapput, inuussutissarsiummik suliffeqarfiup angusarisasa appariinni avinneqarnerisa annertussusiligaaneranut naapertuuttumik.

Imm. 4. Apparisiit imm. 3-mi malittarisassamik atuiniarnerminnik aalajangertertik allanngortissinnaavaat tamanna apparisiinnit tamanit ukiup aningaasarsiorfiusup naannginnerani akileraaruseriffimmut nalunaarutigineqarpata."

§ 4 b. Pisuussutitigut isertitat apparisaq, apparisiinneq pillugu inatsiseqartitsinermi pisuussutinik pineqartunik atuisinnaasup imaluunniit, aningaasartuutitut ilanngaatigineqarsinnaasunut tunngatillugu, akiligassamik akiliisussaasup, isertitaanik naatsorsuinermi ilanngunneqassapput. Apparisiit sorlermut akileraarutaasussanik isertitat tunngasuunersut aalajangerneqarsinnaanngippat, apparisiit isertitat avissavaat.

§ 4 c. Pigisat nalillit akileraarutitigut nalikilliliissutigineqartut, appaasumit katissimasamit inuussutissarsiummik suliffeqarfimmi ingerlatsinermi atorineqartut, appaasumit pineqartumit nalikilliliinerit ingerlanneqassapput, pigisat pineqartumit imaluunniit pineqartup apparisaaninooqatigisaanit pigineqarnerat apequtaatinnagu.

Imm. 2. Apparisaq pigisat taassuma inuussutissarsiummik suliffeqarfiutaani atugassatut tunniuppagit nuuppagilluunniit, iluanaarutit annaasaqaatilluunniit tamatumuuna pinngortut, apparisaq siulliullugu taaneqartup akileraarutaasussanik isertitaasa naatsorsorneranni ilanngunneqassanngillat. Tunniussinerup nuussinerulluunniit kingornatigut pigisat akileraartarnermi nalikilliliineritut tunngatillugu, apparisamit kingulliullugu taaneqartumit pissarsiarineqarneranni piffissaq akigisimasaalu tungavigalugit pissarsiarineqarsimasutut, siusinnerusukkullu nalikilliliinerusimasinnaasut, pineqartumit atuutsinneqarsimasutut ilanngullugit

isigineqassapput.

Imm. 3. Malittarisassat matuma siuninnguatiqut allaaserineqartut nioqqutissanik, aapparisaq tunniussisuusup inuussutissarsiummik suliffeqarfimmik ingerlataanut atasuusunik, tunniussinermi atuutinngillat.

Imm. 4. Imm. 2-mi malittarisassat aappaasumit pigisanik aapparisaq tunniussinermi imaluunniit pigisanik nuussinermi atuutinngillat, taassuma pigisanik nalilinnik atuutsitsinermi tamakkiisumik inuussutissarsiutitut ingerlanneraniit atornerqarneri inuttut namminerisamik atugassatut allannngortippagu imaluunniit inuttut namminerisamik atukkatut tamakkiisumik inuussutissarsiutitut allannngortillugu atulissagaluarpagit.

§ 4 d. Aappariit tamarmik immikkut akileraarutaasussanik isertitaat tunngavigalugit isertitaannit akileraarutissaat naatsorsorneqassapput.

Imm. 2. Aappariit arlaata akileraarutaasussanik isertitai amigartooruteqarfiuppata aappariillu ukiup aningaasarsiorfiusup naanerani inooqatigiippata, amigartoorutit sapinngisamik annertunerpaamik aapparisaq aappaata akileraarutaasussanik isertitaanit ilanngaatigineqassapput. Ilanngaasiineq pissaaq, aapparisaq aappaata § 30, imm. 1 naapertorlugu ukiumi aningaasarsiorfimmisiusinnerusumi aningaasarsiat amigartoorutaasut atunngitsuukkat ilanngaatigereernerata kingorna. Tamatumunnga atatillugu aappariit akileraarutaasussanik isertitaanik naatsorsuinnermi isertitat nunani allani nunamilu maaniunngitsoq akileraarusigaasut ilanngunneqassanngillat. Oqaaseqatigiinnili siulliit tulliini aalajangersagaq, isertitanit akileraarutit § 69 naapertorlugu isertitanit akileraarutinit appartinneqarsimappata, atuutsinneqassanngilaq."

§ 4 e. Katissimallugu aapparisaq ukiup aningaasarsiorfiusup naanerani inooqateqartup inummut ilanngaat tamakkiisumik atorsinnaanngippagu, ilanngaatip atornerqanngitsortaa aapparisaasup akileraarutaasussanik isertitaanik appartitsinnermut atornerqassaaq."

3. § 10 imm. 1 imatut oqaasertaqartinneqarpoq:

"Aappariinnermi toqukkut qimagaasup ataatsimut pigisat kingornussassanik agguaaassinertaqanngitsumik pigiinnarpagit, qimagaasoq toqukkut qimaguttup akileraartarnermut tunngatillugu inissisimanerani taarsissavaa."

4. § 11 imm. 1 imatut oqaasertaqartinneqarpoq:

"Pigisanik qimatat toqukkut qimaguttoqarneranut atatillugu agguanneqarpata imaluunniit aappariinnermi qimagaasumit kingornussarsianik agguaaassinertaqanngitsumik pigiinnarneqarpata, toqukkut qimaguttup ukiumi aningaasarsiorfiusumi toqukkut qimaguffigisaani akileraarutigisassai, isertitanit akileraarutaasutut, toqukkut qimagunneq sioqqullugu akilerneqartussanngortut, imaluunniit isertitanit tamanna sioqqullugu pissarsiarisimasanit ilanngaatigineqartussat, akilerneqarneratigut inaarutaasumik aalajangiivineqarput."

5. § 11, imm. 2-mi "4.000 kr."allannngortinneqarput "10.000 kr."-inut aammalu "500 kr.": "2.000 kr."-inut.

6. § 20, imm.1, oqaaseqatigiit aappaat ima allassimassaaq:

"Ukiumi aningaasarsiorfiusumi aappariit aappaata toqukkut qimagunneratigut aappariikkunnaarfiusumi, aapparisaq qimagaasoq akileraarutaasussaannngitsunik imm. 2-mi aningaasat aalajangerneqartut marloriaataannik ilanngaaserneqarnissamut akuerineqassaaq."

7. § 21, imm.1, oqaaseqatigiit aappaat ima allassimassaaq:

"Ukiumi aningaasarsiorfiusumi aappariit aappaata toqukkut qimagunneratigut aappariikkunnaarfiusumi, aapparisaq qimagaasoq aalajangersimasumik ilanngaammik imm. 2-mi aningaasat aalajangerneqartut marloriaataannik ilanngaateqartinneqassaaq."

8. § 34, imm. 1, nr. 3-mi „aappariit ataatsimut akileraarusigaasut" allangortinneqassaaq „aappariit inooqatigiittut"-nut

9. § 36, imm.1 atorunnaarsinneqassaaq aammalu imm. 3 imm. 2-nngortinneqartumi "imm. 2" allangortinneqassaaq ima "imm. 1".

Tamatuma kingorna imm.2-miit 5-imut imm.1-imiit 4-nngorput.

10. § 36-p kingornagut ilanngunneqassaaq:

"§ 36 a. Aningaasarsianit akileraaruteqaataasussanit naatsorsuinermi, akileraartussaataasut

- 1) inunnit inatsisitigulluunniit akisussaassuseqartumit aalajangiisuusumik sunniuteqarfigneqartuusut, matumani ilanngullugit selskabit aamma peqatigiiffiit il.il. Kalaallit Nunaanni akileraartarnermut inatsit naapertorlugu akileraartussaataasut taasaanngippata kisiannili pissutsit selskabit ingerlatsineranni maleruagassanut aalajangersarneqarpata, selskabit isumaqatigiissutaasigut imaluunniit peqatigiiffiit maleruagqusaannut sunniuteqartinneqarpata, imaluunniit
- 2) imaluunniit inatsisitigut akisussaassuseqartuusunut aalajangiisuusumik sunniuteqartuusut imaluunniit
- 3) inummik inatsisitigut akisussaassuseqartumik suliffeqarfissuarmut attaveqartut,
- 4) nunani allani aalajangersimasumik ingerlatsiviutilik, imaluunniit
- 5) inuk inatsisitigulluunniit akisussaasuusoq nunami allamioq Kalaallit Nunaanni aalajangersimasumik ingerlatsiveqartoq il.il, takuuk § 2, imm. 1, nr. 10-miit 12-imut, matuma inummik inatsisitigulluunniit akisussaassuseqartumik aalajangersimasumillu ingerlatsivinnik niuernikkut aningaasatigullu iliuseqarfisagarnermi (nakkutigisaasumik iliuitsit) il.il. akit tunngavissarisallu, niueqatigiinnerit attaviitsuusut illuatungeriit akornanni naammassineqarsimagaluarpata angusarisimasinnaasassat, atussavai.

Imm. 2. Aalajangiisuusumik sunniuteqarneq matumani paasineqassaaq piginnittuuneq taasisinnaanermulluunniit pisinnaatitaanermik atuisinnaaneq, tamatumuuna toqqaannartumik toqqaannartuunngitsumilluunniit aktiatigut aningaasaatigisat 50 procentii sinnerlugit pigineqarlutik imaluunniit taasisinnaanerit 50 procentii sinnerlugit taasisinnaassuseqarneq. Akileraartussaataasup inummut inatsisitigut akisussaassuseqartuusumut nakkutilliisutut isigineqassanerit, imaluunniit akileraartussaataasooq inummit inatsisitigut akisussaassuseqartuusumit

imaluunniit inummit aalajangiisuu-sumik nakkutigineqarnersoq naliliiffiginninnermi makku ilanngunneqassapput:

- 1) aktiat taasisinnaanermulluunniit pisinnaatitaanerit, suliffeqarfissuarmut atasuusunik selskabinit, imm. 3 naapertorlugu taasat, aamma
- 2) inunnit aktiaateqartuusunit qanigisaannillu,
- 3) aningaasaateqarfimmit imaluunniit selskabinit kattuseqatigiiffimmit piginnittuusumit namminermit pilersinneqartumit imaluunniit selskabinit suliffeqarfissuarmut atasuusunit taaneqartunit, qanigisanit il.il. imaluunniit aningaasaateqarfimmit taakkuninnga pilersinneqartunit pigineqartut ilanngullugit naatsorsuutigineqassapput,
- 4) taamatutaaq piginneqataassutsit taasisinnaanermullu pisinnaatitaanerit, selskabimi peqataasunit allanit, selskabimi peqataasup atuinissamik nakkutilliinissamillu isumaqatigiissuteqarfigisimasaanit, pigineqartut naatsorsuutigineqassapput, aamma
- 5) inummut § 1-imi pineqartumut ilaasumut qanigisat imaluunniit aningaasaateqarfik kattuseqatigiiffiit tamakkuninnga pilersinneqartut peqatigalugit piginneqataassutsit taasisinnaanermullu pisinnaatitaanerit naatsorsuutigineqassallutik.

Imm. 3. Qanigisatut isigineqarput akileraartussaataitasup katissimallugu aapparisa, angajoqqaavi aanakkui aatakkui taamatullu meeqqat ernguttallu tamakkualu katissimallugit aapparisaat imaluunniit inuit taagorneqartut toqukkut qimagunneranni pigisanik qimatat. Meerarsiat meeravissartaallu toqqartumik qanigisarianut ilaatinneqarput.

Imm. 4. Selskabit suliffeqarfissuarmut atasuusut tassapput:

- 1) selskabit peqatigiiffiillu il.il. aktiaateqartuusut taakkuusut, pisassarisap pissarsiarineqarnerani kingusinnerusukkulluunniit toqqaannartumik toqqaannanngitsumilluunniit selskabini ataasiakkaani taasisinnaanernik 50 procentii sinnerlugit piginnittuuffigisaat.
- 2) selskabit peqatigiiffillu il.il., aktiaateqartuusut taakkuusut pisassarisap pissarsiarineqarnerani kingusinnerusukkulluunniit toqqaannartumik toqqaannanngitsumilluunniit selskabini ataasiakkaani taasisinnaanernik 50 procentii sinnerlugit atuisinnaaffigisaat.
- 3) aningaasaateqarfik selskabillu, aningaasaateqarfiup pisassarisap pissarsiarineqarnerani kingusinnerusukkulluunniit toqqaannartumik toqqaannanngitsumilluunniit selskabini ataasiakkaani tamani aktiatigut aningaasaatit 50 procentii sinnerlugit pigisaqarfigisai, imaluunniit
- 4) aningaasaateqarfik selskabillu, aningaasaateqarfiup pisassarisap pissarsiarineqarnerani kingusinnerusukkulluunniit toqqaannartumik toqqaannanngitsumilluunniit selskabini ataasiakkaani tamani taasisinnaanerit 50 procentii sinnerlugit atuisinnaaffigisai.

Imm. 5. Aktiaateqartuusut imm. 2, oqaaseqatigiit sisamaanni taaneqartut aktiaateqartuusut naliliiffigineqarneranni aktiaatilittut ataasiusutut isigineqarput. Taasisinnaassutsinik piginneqataassutsit naatsorsorneqarneranni taasisinnaanerit, taasisinnaanermik aktianik qularnaveequsiilluni nuussinermut atatillugu pissarsiarineqartut kisimik, naatsorsuutigineqassanngillat.

Imm. 6. Inatsisitigut akisussaassuseqartuusooq inulluunniit nunami allamiutut isigineqassaaq, inuk naalagaaffimmi allami, Danmarkimi Savalimmiuniluunniit, nunaqartuuguni, tamatumani aamma marloriaammik akileraannginnissaq pillugu isumaqatigiisummi aalajangersakkat malillugit

Imm. 7. Akileraarusigaasussanik isertitat annertussusiliiffigineqarnerisa imm. 1 malillugu allanngortinneqarnerini, akileraartussaataitaasup annertunerusumik malitseqartitsinikkut allannguinerit (malitsigisatut iluarsinerit) pinngitsoortissinnaavai, imm. 1-imi akit piumasaqaatillu naapertorlugit akiliinissamut pisussaalertermigut. Imm. 1 taamaallaat atorpeqassaaq nakkutigisaasumik iliutsimi § 36 b-mi pineqartumik pisoqartillugu, akileraartarnermut oqartussaasoq nunami allamioq pineqartoq akileraarusiissappat, akileraarutaasussanik isertitat imm. 1 naapertorlugu annertussusilerneqarneranni akit piumasaqaatillu tunngavigineqartut naapertorlugit.

§ 36 b. Akileraartussaataitaasut § 36 a-mi pineqartut nammineerluni nalunaarummi, § 36 a-mi taaneqartunik inunnik inatsisitigullu akisussaasuusunik aalajangersimasumillu ingerlatsiviusunik illuatungeqarluni niuernikkut imaluunniit aningaasatigut ingerlatitsinerit (nakkutigisaasunik iliutsit) suuneri annertussusiilu pillugit, paasissutissanik tunniussissapput.

Imm. 2. Akileraartussaataitaasut nakkutigisaasunik iliutsinut akit piumasaqaatillu qanoq aalajangerneqarsimanerannut allakkatigut uppernarsaatiniq sanassapput toqqortaralugillu. Allakkatigut uppernarsaatit ukioq naatsorsuuseriffiusup suliami pineqartumi attuumassuteqartup naaneraniit ukiuni tallimani isumannaatsumik toqqortarineqassapput. Allakkatigut uppernarsaatit akileraartarnermi oqartussaasut qinnuteqarneratigut tassunga takutinneqassapput, imaattuusariaqarlutillu akit piumasaqaatillu, iliutsit illuatungeriit attaviitsuusut akornanni naammassineqarsimagalarunik atuuttuusimasussanut naapertuunnersut naliliinissamut tunngavissaasinnaassallutik.

Imm. 3. Akileraartussaataitaasooq imm. 2 malillugu uppernarsaammik sanasimangippat, akileraaruserinermik ingerlatsineq pillugu inatsimmi § 19, atuutsinneqassaaq,

"§ 36 c. Ernianut aningaasartuutit nalitigullu annaasaqaatit, nakkutigisaasumik akiitsut sinneruttortaanut tunngasut taakkua nakkutigisaasunik iliuseqarnikkut akiitsut pillugit sinneqartoortineersuutillugit taakkualu selskabinit peqatigiiffiilluunniit il.il. pigippatigut, taava piginnittuusut ilanngaasiisinnaangillat
1) selskabi imaluunniit peqatigiiffik § 1, imm.1-imi, nr. 3-mit 14-imut pineqartunut ilaappat
2) selskabi imaluunniit peqatigiiffik inatsisitigut akisussaassuseqartuusumut nunami allamiumut § 36 a, imm. 1-imi (nakkutigisaasumik akiitsut) taaneqartumut akiitsoqarpat aamma
3) selskabip peqatigiiffiilluunniit allanit aningaasaliiffigineqarnerata (akiitsui) ukiup aningaasarsiorfiusup naanerani selskabip namminerisanik aningaasaataanut sanilliullugit 2:1-mut annertunerusumik annertussuseqarpata.

Imm. 2. Imm. 1 naapertorlugu nalitigut annaasaqaatit taarsigassarsiani pineqartuni nalitigut annaasaqaatit ukiumi aningaasarsiorfiusumi tulliusumi iluanaarutinit ilanngaatigineqarsinnaapput.

Imm. 3. Allanit atukkat, aalajangiisuusuullutik piginnittut imaluunniit tamatumuuna suliffeqarfissuarmut atasunit selskabinit toqqaannartumik toqqaannartuunngitsumilluunniit qularnaveeqqusigaasimasut, nakkutigisaasumik akiitsutut isigineqarput.

Imm. 4. Ilangaasiisinaanermut killiliineq, selskabip peqatigiiffiilluunniit,

selskabimut piginnittuusumut, tamatumuunalu aamma suliffeqarfissuarmut atasuusunik selskabinut, aningaasaliinerup assingusup atuuttuuneranik uppersaasiinera naapertorlugu atuutissanngilaq.

Imm. 5. Ilanngaasiisinaanermut killiliineq nakkutigisaasumik akiitsut 5 mio. koruunit sinneqqappatsigit aatsaat pisinnaavoq. Ilanngaasiisinaanermut killiliineq aamma nakkutigisaasumik akiitsut namminerisamik aningaasaatinut, ukiup aningaasarsiorfiusup naanerani allanit aningaasaliissutit (akiitsut) namminerisamillu aningaasaatinut sanilliullugit 2:1-imut nikingassuseqartinniarlugit, nuunneqartortaannut taamaallaat atorpeqassaaq. Suliffeqarfissuup iluani nakkutigisaasunik akiitsoqarlunilu nakkutigisaasunik allanut akiitsoqarpat, ilanngaateqarnermik killiliineq suliffeqarfissuup iluani nakkutigisaasunik akiitsunut siullermik atorpeqassaaq tulliuullugulu nakkutigisaasunik allanut akiitsunut.

Imm. 6. Akiitsutut isigineqarput pisassarisanut § 17, imm. 1-imi aamma § 18, imm. 1-imi pineqartunut tunngatillugu aammalu obligationinut nuunneqarsinnaasunut akiitsut. Akiitsut ukiup aningaasarsiorfiusup naanerani nalitigut naligititaasut naatsorsorneqassapput.

Imm. 7. Namminerisamik aningaasaatit ukiup aningaasarsiorfiusup naanerani pigisat niuernermi naliusumut naatsorsukkatut, imm. 6 malillugu akiitsunik ilanngaaserlugit naatsorsorneqassapput. Namminerisamik aningaasaatigisat piginnittuusunit aningaasaliissutaasut, sivikinnerpaamik ukiuni marlunni selskabimiittussaasut kisimik ilanngunneqassapput.

Imm. 8. Kalaallit suliffeqarfissuarmut atasunik selskabiutaat arlaqartut aquneqarpata, takuuk § 36 a, imm. 4, selskabini taakkunani pigisanut akiligassanullu imm. 1-7 ataatsimoortillugit atorpeqassapput, kalaallilu selskabiisa selskabini allani, naatsorsuinermi tamarmiusumi ilaatinneqartuni, aktiaataat ilanngunneqassanngillat, aammalu taakkua akornanni akiitsut pisassarisallu.

Imm. 9. Imm.1-miit 8-mut taamatuttaaq atuupput akileraartussaataasunut § 2, imm. 1, nr. 10-mi ilaatinneqartunut. Akiitsut namminerisanillu aningaasaatit Imm. 2 aamma 3 malillugit naatsorsorneqarneranni, pigisat akiitsullu nalingi aalajangersimasumik ingerlatsivimmuut attuumassuteqartut taamaallaat ilaassapput. Allanit atukkat nakkutigisaasumik akiitsutut isigineqarput, qitiusumik allaffik akiitsunut akiliisussaasuuppat.

§ 36 d. § 1 imaluunniit § 2, imm. 1, nr. 10-miit 12-imut malillugit akileraartussaataasooq § 36a, imm. 2 naapertorlugu annikitsumik akileraarusigaasumik inatsisitigut akisussaassuseqartumik (ingerlatseqatigiiffik pigineqartoq), takuuk § 36 a, imm. 6, aningaasaliinertigut pigisat agguaqatigiissitsinermi selskabip pigisaanit tamarmiusunit 10 procenti sinnerlugu amerlassuseqarfisigaanni, akileraartussaataasup aningaasarsiai akileraaruteqaataasussat naatsorsorneqarneranni ingerlatseqatigiiffiup pigineqartup CFC-mik isertitai ilanngutissavai.

Imm. 2. Nunami allami selskabi pigineqartoq annikitsumik akileraarusigaasutut isigineqassaaq, nunami allami akileraarusiineq Kalaallit Nunaanni malittarisassaat malillugit annertuumik appasinneruppat akileraarusiinerluunniit Kalaallit Nunaanni malittarisassaanut sanilliussinermi annertuumik illuartinneqarpata.

Imm. 3. Ingerlatseqatigiiffiup pigineqartup pigisaanik imm. 1 malillugu naatsorsorneqarnerat naatsorsuutini naligititaasut tunngavigalugit ingerlanneqassaaq, tigussaasuunngitsunut niuernermi akigitinneqartut malillugit nalingi tunngavigalugit

ilanngunneqassallutik.

Imm. 4. CFC-mik isertitat selskabip pigisap isertitaanut, akileraartussaaitaasup selskabip pigineqartup ukiumi aningaasarsiorfiusup pineqartup ingerlanerani aktiatigut aningaasaataanit tamarmiusunit akileraartussaaitaasumit pigineqataassutaanit annertunerpaajusut amerlaqataat, ilaasutut naatsorsorneqassapput. Selskabilli pigineqartup ukiup aningaasarsiorfiusup ilaani, imm. 1-imi piumasagaatit naammassine-qarfigisaasa nalaani isertitanik katersorsimasai, kisimik ilanngunneqassapput.

Imm. 5. CFC-mik isertitat, Inatsisartut inatsisaat manna tunngavigalugu naatsorsorneqassapput makkua katinertat:

- 1) Akileraarutaasussanik ernianik isertitat ilanngaatigineqarsinnaasunillu ernianut aningaasartuutit.
- 2) Pisassarisanit, akiligassanit imaluunniit aningaasaliinermut tunngasunik isumaqatigiissutigut akileraarutaasussanik iluanaarutit ilanngaatigineqarsinnaasunillu annaasaqaatit.
- 3) Sullissinermut ernialiuttakkat (provision) assigisaallu, ilanngaatigineqarsinnaasat.
- 4) Aktianik tunisinerni akileraarutaasussanik iluanaarutit ilanngaatigineqarsinnaasunillu annaasaqaatit.
- 5) Aktianik tunisinerni akileraarutaasussanik iluanaarutit ilanngaatigineqarsinnaasunillu annaasaqaatit.
- 6) Akiliutit qanorluunniit ittut, tigussaasuunngitsunik pigisanik atuinermut atuisinnaanermulluunniit akiliutit pissarsiarineqartut. Oqaaseqatigiilli siulliit atuutinngillat, selskabinit, selskabimik pigineqartumut suliffeqarfissuarmut atasuunngitsumit, § 36 a, imm. 1 naapertorlugu, selskabip pigineqartup nammineq ilisimatuutut misissuineramik ineriartortitsinermillu ingerlataqarneranik patsiseqartumik tigussaasuunngitsunik pigisanik atuinermut atuisinnaanermulluunniit akiliutinut tunngatillugu. Tigussaasuunngitsunik pigisanut ilaapput suulluunniit atuakkamut, eqqumiitsuliornikkut ilisimatuussutsikkulluunniit sulianut, tamatumani aamma filminut aammalu radiomut fjernsynikkulluunniit aallakaatitassiatut filminut, piginnittussaanerit, patentit tamarmik, nioqutissanut meqqi, allaq iluserluunniit, titartagaq, formeli isertuussaq imaluunniit sanariaaseq isertuussaq suliffissuqaqarnermulluunniit tunngasumik paasissutissaq, aningaasarsiornikkut ilisimatuussutsikkulluunniit misilittakkat.
- 7) Akileraararnermi ilaanngaait, nr. 1-imiit 6-imut taagorneqartunik isertitanut tunngasut Akileraarusigaasussanik attartornermut aningaasaliinikkut isertitat.
- 8) Pigisanik, aningaasaliinikkut attortornermut atugaasimasunik tunisaqarnermi iluanaarutit annaasaqaatillu, aamma ilanngunneqassapput.
- 9) Akileraarutaasussanik sillimmasiinermik ingerlatsinermut atatillugu, aningaaserivittut realkreditinstitutionit imaluunniit allatigut aningaasaliinernik ingerlatsinikkut isertitat.

Imm. 6. CFC-mik isertitat naatsorsorneranni CFC-mik isertitat amigartoorutitaat § 30-mi malittarisassat naapertorlugit selskabip pigineqartup isertitaanit ilanngaatigineqarsinnaapput.

Imm. 7. Nunani allani akileraarutininik akilikkanik appaateqartitsineq § 69 malillugu pissaaq."

11. § 41, imm.1, oqaaseqatigiit siulliit tullii allanngortinneqarput "aapparit ataatsimut akileraarusigaasut imaluunniit nalunaarsugaasumik inooqatigiit"

imaallillugu: "inooqatigiillutik aappariit imaluunniit nalunaarsugaasumik inooqatigiillutik najugaqatigiit".

12. § 67, *imm. 2. oqaaseqatigiit siulliit* atorunnaarsinneqarput

13. § 68, *imm. 4.* atorunnaarsinneqarpoq.

14. § 96 atorunnaarsinneqarpoq.

§ 2

Imm. 1. Inatsisartut inatsisaat 1. januar 2008 atuutilerpoq ukiorlu aningaasarsiorfiusoq 2008 aallarnerfigalugu sunniuteqalerluni, taamaattorli takuuk *imm. 2.*

Imm. 2. § 1, nr. 9 aamma 10, 1. maj 2007-imiit atuutilerput. Aningaasarsianit akileraarutit pillugit Inatsisartut inatsisaanni § 36, *imm. 1-imi* aalajangersagaq, inatsimmilu matumani § 1, nr. 9-kkut atorunnaarsinneqartoq 1. maj 2007 sioqqullugu nuussinernut atuutiinnassaaq.

Namminersornerullutik Oqartussat, ulloq xx. xxxx 2007

Hans Enoksen

/

Aleqa Hammond